

Three other clarifications as to the 2024 raids

(١) "إذا أردنا ان نصبح شعبا واحدا يستحق هذا الوطن العظيم، علينا اولا ان نتحلى بالإنسانية... لا يجوز أن تضع مسلسلات وبرامج عادية وشعبك يتعرض للإبادة...":

نحن سوسيولوجيًا شعبان اخي ايهاب.

ولا نريد ان نصبح شعب واحد لان كل محاولات صهرنا بالقوة باءت بالفشل وأدت الى حروب وقتل وتهجير وهجرة وفساد وفقر وذل.

اما والتحلي بالإنسانية بسبب ارتباطنا ضمن دولة واحدة واخوة انسانية رغم عداواتنا الداخلية الفظيعة، فأنا معك،

بيد أنّ، علميًا، من يتعرض للإبادة ليس شعب ال م ت ف لتقول "وشعبك يتعرض"،

لا بل يكره ال م ت ف لما تمثله بالنسبة للشعب الثاني.

لا ادافع عن ال م ت ف بل اني احلل كلام حضرتك لتوضيح الصورة.

اخيرًا، للصراحة، لا اعرف اين هي الحدود التي يجب ان تضعها تلك المحطة او غيرها من اجل ليس حرب حالية فقط، بل مسار داخلي عمره ٣٠ عامًا مرّ ب٢٠٠٦ و٢٠٠٨ وتصفيات وسيطرة على الدولة وقهر ثورة ٢٠١٩ بالقوة وبيع كاريش الخ... وصولاً الى حرب لم تطلبها لا بل تم اطلاقها من "طرفنا"...

لا اعرف صراحة...

والحزن سيد الموقف على القتلى والمصابين والنازحين رغم كل شيء خاصةً اننا نعرف الطعمة...

(٢) "بس يكون سعر أجار الشقة بل ايام العادية ٣٠٠\$ وتطلب بهالوضع ٧٠٠\$ وفوق، أعرف أنك طلعت أنجس من الاسرائيلية":

صحيح يا سارة، للصراحة هي نجاسة.

بس كمان اسمحيلي من باب الاخوة زيد:

بس عفترة ٣٠ سنة تقوّت كل بضاعتك بلا جمرك،

وتهدر عالبلد مليارت،

وتقدر تببيع عسعر واطي وتكسر البلد كلّو،

وندفع نحنا ٨٠٪ من ضرايب لبنان ليكون عندك بنى تحية،

وندفع نحنا تعويضات لحروب ما لنا فيها،

هاي حكينا بالموضوع المالي،

وهاي بعدما حكينا سياسي وعسكر

كممارسة انعملت بحقنا من ٣٠ سنة افقرتنا وما خليتونا نعمل ثورة نزلتوا ضدنا،

(مع العلم انو نحنا جماعتنا مش هلفد ملايكة)،

هاي شو طيب؟

قال يسوع: "أخرج الخشبة من عينك أولاً، حتى تُبصر جيداً فتُخرج القشة من عين أخيك."

انت بتعرفي معزتك، بس ما لازم بقا نحنا نضل مكسر عصا. وبشكرك سلف إنك تتقبلي تعليقي.

(٣) "بين المقاومة والانتحار فرق كبير. الشباب اللبناني بحاجة لدراسة أكثر للواقع. فقط ببناء الدولة يمكننا المقاومة والاستمرار":

والاستشهاد في سبيل الامة؟

هذه الحرب لم تكن مقاومة ضد اجتياح، كانت اسناد للأخوة في غزة.

اذن هي ليست مقاومة هذه المرة وايضاً لا هي انتحار.

هي استشهاد من قبل البعض في محاولة الاسناد.

طلعت بتشبه الانتحار بسبب الفارق في ميزان القوى، بس ما بلشت بفكرة رغبة بالانتحار.

وهني حرّين!

انا منّي ابن الامة تحس انو لازم التزم بأوامر إيران بإسناد غزة.

ما لنا معن بالجوهر.

رغم هالشي لنا سنين من قلن انتبهوا بكرا إيران بتعمل صلح عضهركن بتموتوا انتو واهل غزة عالفاضي الخ...

بس هني احرار.

ما بفكروا لبنانياً. بفكروا اسلامياً. وهيدا حقّ هني امة.

مشكلتنا هي انو مربوطين معن بنفس الدولة وبلا حياء...

هاي مشكلتنا... ما فينا نكفي هيك: يا بدنا نبني دولة حيادية ونقاوم الاعتداءات إذا حصلت،

يا بدنا نقسم إذا هني مصرّين يتصرّفوا ع راحتن.

اما الدولة مثل ما دستور ها اليوم، مش عمبشوف كيف ممكن تنبني...

الله يعينن ويعينّا ويعين هالمنطقة كلها...